



Cusseglier guvernativ Mario Cavigelli (segund da sanestra) cun intgins chatschaders da Bravuogn.



Trais chatschaders sursilvans: Arno Spescha, Clemens Cavigelli ed Alois Spescha (da san.).

La chatscha ha anc blers pensums da chasa

Radunanza da delegads da l'Uniun chantunala da chatschaders

DA PEDER ANTONA BALTERMIA

■ Per la segunda giada dapi il 1962 ha la Secziun da chatschaders Bravuogn organisà la radunanza da delegads da l'Uniun chantunala grischuna dals chatschaders da patenta. Da las 76 secziuns cun total 6686 commembers eran preschentas 75 secziuns cun 195 vuschs da delegads. Per l'emprima giada en l'istorgia da l'Uniun chantunala grischuna dals chatschaders da patenta avan las secziuns fatg naginas propostas per mauns da la radunanza da delegads. En il passà stavan quellas adina en il center da la radunanza. Per Robert Brunold da Sursaiusa èsi stà l'emprima radunanza ch'el ha manà sco president e fatg ha el quai cun bravura. Per la secziun che ha organisà la radunanza, quella da Bravuogn, è la radunanza da delegads stada ina da las activitads per l'onn da giubileum da 65 onns. La secziun ha dal reminent 58 commembers. La situaziun da chatscha a Bravuogn è fitg speziala. Durant la chatsch'auta èn bunamain 200 chatschaders sin il territori da vischnanca, dentant indigens èn quai be ca. 40 chatschaders. Ils auters derivan d'autras parts dal chantun e schizunt da la Bassa. Per il rom musical da la radunanza ha procurà la «Gruppa da corns da tgatscha Belfort».

Las propostas

La suprastanza centrala aveva però fatg diversas propostas. L'emprima era da fixar ils temps da la chatsch'auta 2016. A disposiziun stavan duas propostas. Ina cun entschatta ils 3 da settember fin ils 11 da settember e suenter l'interrupziun cuntinuass la chatscha ils 19 da settember e fiss a fin ils 30 da settember. La segunda varianta proponida era da cumenzar cun la chatsch'auta ils 3 da settember fin ils 17

da settember ed il segund bloc suenter l'interrupziun fiss dals 24 da settember fin ils 29 da settember. L'emprima varianta è lura vegnida acceptada cun gronda maioritad.

Ina segunda proposta da la suprastanza era da dar liber cumplet il telefonin sin la chatscha. Fin uss era lubi da duvrar quel, dentant betg per intent da chatscha. La controlla è però strusch pussaivla. Per decriminalisar la comunicaziun da chatscha duess il telefonin esser cumpletamain liber, funcs èn dentant betg lubids per scopo da chatscha. La proposta è vegnida acceptada e quai cler. Da menziunar è bain che las decisius da la radunanza da delegads èn mai definitivs. Ellas vegnan anc tractadas da la Cumissiun chantunala da cussegliaziun da chatscha. L'opiniun da quella ha paissa per la regenza, che dat lura la decisiun definitiva. Cunzunt la decisiun dal diever dal telefonin sin chatscha savess tgunsch dar discussiuns, per tege davart l'uffizi da chatscha ins n'è betg intgantà da quella decisiun. L'argument da quel è che la pressiu sin la chatscha vegnia tras quai a crescer.

La davosa proposta è stada da midar il format da la gassetta da chatschaders e far in format pli grond en format da tabloid. Cun far quella midada fissan sa dadas meglras pussaivladads graficas, dentant avess quai custà dapli. Ils delegads èn stads cleramain per mantegnair il format vegl.

Unitad en la politica da chatscha

Tar las radunanzas da delegads da l'uniun dals chatschaders vegnan er adina a pled quellas persunas che han responsabladad ed influenza sin la politica da chatscha. In tema che tuts ils oratur han tematisà èn las iniziativa cunter la chatscha supplementara. E qua èn bunamain tuts unids, saja quai il president dals chatschaders

Robert Brunold, il president dal cussegl grond Duri Campell, il cusseglier guvernativ e schef dal departament da chatscha Mario Cavigelli sco era Georg Brosi, l'inspectur da chatscha. Per l'iniziativa cunter la chatscha supplementara ch'il cussegl grond ha declarà sco nunvalaivla e che giascha ussa tar la dretgira administrativa dal Grischun han ins bain in pau chapientscha per las 10000 sutscriptiuns ch'èn vegnidas rimnadas en curt temp. La regenza grischuna ha acceptà la proposta dal deputà Christian Kasper da prolungar la chatsch'auta per maximal quatter dis en il mais d'october. Quai conferma ch'il basegn da far insatge en quella direcziun è avant maun. Bain in tema, dentant nagina chapientscha è dentant tar la politica da chatscha per la segunda iniziativa. Quella less per motivs erics tranter auter scumandar la chatscha d'utschels, la chatscha da lajegiari e da traplas ed anc bier auter. Ella less ballucar ferm vi da las pigtas da la libra chatscha grischuna da patenta. Natiralmain saja da prender serius l'iniziativa, dentant da cumbatter quella cler e bain, è vegni ditg.

In tema che fatschenta da preschent ils responsabels è er il dumber creschent la la populaziun dals tschervs. Quella giascha actualmain tar ca. 15000 tocs. Cunzunt davart la selvicultura vegn ferma pressiu per stabilisar il dumber. E la politica e l'administraziun da chatscha èn consciantas che tar la planisaziun sto vegnir fatg insatge. Ina pussaivladad sa dat era cun la revisiun da la lescha d'asils ch'è da preschent en elavuraziun e quai communablamain cun tuts pertutgads.

Da nov quest onn per ils chatschaders è ch'els han d'avair in mussament da sajettar cun in resultat concret per survegnir la patenta e quai uschebain per l'arma da balla sco er per la fisca.



Ina schnuffadra avant la radunanza per quels chatschaders da Sent.

FOTOS G. N. STGIER



Pirmina Caminada da Glion è vegnida undrada cun la medaglia da renconuschientscha per ses meritis en la cumissiun.

RECLAMA

FDP
Die Liberalen

«Die Initiative verhindert nötige Investitionen und Innovationen in den Familienunternehmen.»

Christian Kasper, Holzbaunternehmer, Gemeindepräsident und Grossrat Luzern, Buchen

www.fdp.ch

AM 14. JUNI 2015

NEIN
zur Erbschaftsteuer



Dus chatschaders passiuads èn er (da san.) Martin Carigiet e Hannes Parpan.



Il landamma da Tavau Tarzisius Caviezel cun la chatschadra Ursina Thomann.